

# Mammut Hansen leevt nich in'n Zoo

Plattdüütsch hörn un lesen geiht ok in't Home-Schooling: Gesa Retzlaff vun dat Plattdüütsche Zentrum leest lütte Hörstücken

**LECK** „Mammut löppt weg. ‚Du musst dat weten‘, seggt dat witte Pony. Dor nimmt lütt Mammut all sien Karaasch tohoop, kladdert eerst op de Tünn, denn op de Tuun un fallt op de anner Siet einfach daal...“

Mit veel Spannung un mit düütliche Theosterimm leest Gesa Retzlaff vun dat Plattdüütsche Zentrum ut dat Plattdüütsche Kinnerbook „Mammut Hansen leevt nich in'n Zoo“.

Fein utdacht is de Geschicht vun Gesine Wanke un in't Plattdüütsche överdragen vun Ingrid Straumer. 39 Zentimeters groot is dat lütte Mammut un leevt eerst in de Zoo. All Tiern in de



Inband vun Mammut Hansen.

Geschicht könnst schnacken. Blots lütt Mammut nich, dat seggt blots „Öpf“. Man, nu will he utneihen un denn geern in en Familie leven. Kinner mööt dor sien mit gele Gummisteveln. Un Frünn' will he söken.

„Un dor is blots disse Corona Schuld an!“

Mammut Hansen  
plattdüütsche Stück

Bi dat dröppt lütt Mammut denn Mia un ehr Mutter, löppt achteran un kladdert dörch dat Kinnerstufenfinster merrn rin in de Familie Hansen...

In lütte Hörstücken kann een dat afropen op de Internetsiet vun dat Plattdüütsch-Zentrum Leck ([www.plattduitsches-zentrum.de](http://www.plattduitsches-zentrum.de)). Gesa Retzlaff hett dor vele lütte Stücken tosamstellt. Meist weniger as fief Minuten un mit Überschrift. So as Mammut un de Elefanten, Mammut hett Malör, Mammut kriggt wat he will un Mammut geiht na School.

Wunnerbor Billers wiest dat Book. Heidrun Schlieker hett se maalt to de sünnbor Geschicht. Un dat Plattdüütsche Zentrum kann

ganz veel Tosatzmaterial anbieten – Plattdüütsche Home-Schooling heet dat denn.

En Lees-Teken kann een sik utschnieden. Op en Vörlaag kann een lütt Mammut un anner Billers utmalen. Wetensfragen to enkelte Kapitels sünd dor. En Mammut-Speel warrt anboden. Radels kann een finnen.

Wer kennt noch dat Spiel „Heven un Höll“? In en lütt Filmsequenz warrt en Hand wiest, de ganz suutje en lütt Mammut maalt.

Un ganz aktuell heet dat nu Mammut un Corona. „He hett sik al veermol or so an de Rippen kleit un ok achter de Ohren. Tominnst sössmol. Dorbi jöök em dat Fell nichmol. Em is blots so baninig langwielig. Un dor is blots disse Corona Schuld an!“

Mia un Dominik sitten bi Papa in't Büro un mööt Huusopgaven maken. Home-Schooling as bi all Kinner totiets. Un ünner de Text steiht denn: Schriev an disse Steed sülvst wieder. Wat för Idee hett lütt Mammut? *Ingwer Oldsen*

*Gesine Wanke, Mammut Hansen leevt nich in'n Zoo, 108 S., Quickborn-Verlag, Preis: 14.80 €; ISBN 978-3-87651-469-7*



Gesa Retzlaff bi't Inlesen.

FOTO: RETZLAFF